










421

C484 (R)

w7

1835

RELIGIOUS TRACTS

IN THE

CHOCTAW LANGUAGE.

Second Edition,
Revised.

BOSTON:

PRINTED FOR THE AMERICAN BOARD OF COMMISSIONERS FOR
FOREIGN MISSIONS, BY CROCKER & BREWSTER.

1835.

4.
C
W
18

2

4237



O 2

2

CHAHTA ALPHABET.

Letters.		Names.	Sounded.
A	a	ah	as a in father.
B	b	be	
E	e	a	as a in made, or e in they.
F	f	fe	
H	h	he	
I	i	e	as i in pique, or ee in seen.
K	k	ke	
L	l	le	
M	m	me	
N	n	ne	
O	o	o	as o in note.
P	p	pe	
S	s	se	
T	t	te	
U	u	oo	as oo in wool, or u in full.
U	u	u	as u in tub.
W	w	we	
Y	y	ye	
Ch	ch	che	
Sh	sh	she	
Hl	hl	hle	l aspirated, before a consonant written lh.
Āī	āī	i	as i in pine.
Āū	āū	ow	as ow in now.

4.
C
W
18

NASALS.

A
I

a
i

O
U

o
u

These nasals are much softer than the *ng* in English. The full English nasal, as in *sing*, occurs in Chahta only before *k* in an accented syllable.

CHISUS KILAIST CHIHOWA USHI HUTUK
AIOKCHAYA ISHT ANUMPA HOKE:

OR

SALVATION BY JESUS CHRIST.

Itibapishili ma, hutuk nana ashvchi chim vltayak oke. Chi chukvsh anyaka chim anukfila hokvt okpulo āiasha ka ish ithāīyanvshke. Oka homi ish ishkoshke; chi haksishke; ish itibishke; nana ka āiokpuloka chim vltayak vt lavvshke; ik chi achukmo kvt ish ithāīyanvshke; Chihowa ik toba chi ahni tok a chik holitobloshke. Nana isht a yukpa he kia chimakma, chik im āi-yukpachoshke.

Chihowa chi ihikbi tok okvt, hutuk hopoksia keyu hoka; i nukkilli lishke; ahanchishke. Hutuk haksi moma micha oklushi moma kia, Chihowa hoka ik ahninchokmvt, luak chito āiokpuloka mak o ia hi oke, ahanchishke.

Yakohmi hoka itibapishili mvt nanta ish katiohma hinla cho? Chihowa chi ihikbi tok okvt chi okpuni bvna hokmvt, chi okpuna hinla hoke. Chuka ak kia ish ihikbi tok mvt, kanvllichi chi bvna hokmvt, ish yvmichishke. Osapa kia ish ikbi tok mvt, okpuni chi bvna hokmvt, ish okpāīyanishke. Yvmohmi hoka, Chihowa hokvt chi haknip, chi shilombish āēna ka ikbi tok okvt, okpuni bvna hokmvt, achibacha he keyu hoke. Yakohmi hoka nanta ish katiohma hinla cho?

Sa haksi keyu hokvt, Chihowa hoka i sa nukshopa keyushke; chik acho kashke. Oka homi ya ishkot hak-

sit chik itepokmvt, nana okpulo inla kia anukfielit chī nukhobela hoke. Ish yakohmi hokvt, ish ashvchi hoke. Chin chuka achvfai a i hollo ish bieka cha hvrvk oklyha ka ish i kana biekvť fullota cha, sa chukvsh okvt ik okpuloshke. Ish āiahni kia hvrvk ashvchi, hvrvk yoshuba chia hoke. Chihowa hoka chik holitobloshe. Im anumpa vľhpisa yoka chik im antioshe. Ilvpa chohmi moma hoka nanuha hokvt chīm āiahli bieka hosh ik fullotoshe.

Chīm anumpa moma; chīm anukfila moma; micha nana ish kaniohmi cha tuk moma hekvť vť āiahli bano hosh fullotvshke, ish acha he keyu hoke. Ilvppak okvt āiahli keyu hoka ish ithāiyana mak inli hoke. Kvna kia vť anumpa hoka achvfalit kovvfi cha inla hokvno holitombli ik il ahobi kia, hvrvk ashvchi yoke; Chihowa hokvt achi tok oke.

Yakohmi hoka, hvrvk puta; ohoyo moma; vľla āiena hokvt, nana ashvchi bieka hoke. Chihowa hokvt i nuk-killi he vľhpiesa bano hoke. Hvrvk hopoksia ahli keyu hoka, Chihowa hokvt i nukkilli cha, āiokpuloka yō illikmvt iashke; im āiahni hosh im atāiyala tok oke. Nanu- haka āiahli keyu hosh naksika chohmi bano hō āi ita nohowa cha tuk okvt, ik ilekostinincho hosh illikmvt āi- okpuloka ia hi oka im atāiyahli tok oke.

Hvrvk puta hokvt ashvchi biekvť yakohmi hō, Chihowa hvť i nukkilli ka kaniohmit āi il okchalíncha he kia ik im iiksho ma, Chihowa ushi Chisvs Kilāist, vť hvrvk a i nukhaklo cha, a yimmi hokma, āiokpuloka luak chito a ia he tuk kia, okchalínchi lashke; achi tok oke. Hvrvk ashvcheka yokvt a issikkopvt illa he tuk mak o, Chisvs Kilāist vť vľhtobvt illi cha, Chihowa hokvt nana okpunlo kia isht onochi ma, hvrvk moma yakni moma āiasha hoka okchalínchi bvna hatuk okvt im antia bieka tok oke.

Yakohmi pulla kak o āiahni hosh vba āiachukmaka āiasha, Iki a i filvmmiť minti cha, ohoyo himitai yō ant

fohkvt v̄tta tok oke. Ūba-hv̄tvk v̄ba āiachukmaka ya āiasha hoka it apihvt yakni ilv̄ppa aya b̄v̄nna tok ok mvt yvmohma he tok oke.

Holitopa m̄iko chiyuhmit āiāhli mak osh yakni paknaka yoka aya lashke, āiahnikmvt, yvmohma he mak iuli tok oke. Ilesv̄v̄chit aya ik b̄v̄nno hosh ohoyo ilv̄v̄sha h̄o ont fohka li tuk ma, isuba in chuka kia a sa sholashke; āiahni tok oke. Chisvs Kilāist vt hv̄tvk yoshuba āiashv̄chi moma hoka i nukh̄aklo fehna hokvt, nana isht a issik-kopa he kia ik i nukwiyo ki tok oke.

Nana puta hoka p̄im abv̄chi hokvt ilap-inli kia toksv̄lit nanv̄pa hoka ahauchit v̄pakmvt; iki, ishki, ita tuklo toba kia im antiv̄t holitobli tok oke. Āiyubaka bieka hona āiahni hosh, abeka kia hlakofielikmvt, hv̄tvk vt illi tok kia, falaminchit fiobliehit tanih̄inchit; hv̄tvk hopaa kia nana impa ipih̄intakmvt; hv̄tvk nana ik ithano puta hoka, nana im abah̄anchi beka tok oke. T̄ymaha ha achafolichit i nowa cha, okla moma ka nana āiachukmaka bieka hona im apesvt, nana i mih̄iha beka tok oke. Yakohmi hokvt okla e moma hokvt i yimmit holitoblit im antiv̄t eho hobv̄cha he mak o, nana p̄im abah̄anchit yvmohmi bieka tok oke.

Chisvs okvt hv̄tvk āuah tuklo h̄o atokolit i howa tok osh, pehliehit nana im abah̄anchi ma, h̄āiyaklo bieka tok oke. Pokoli untuklo āiena h̄o im apesa na kanima iv̄t v̄banumpulit ita fim̄impa tok oke. Chisvs vt nana apih̄isa tok moma; nana a kaniohmi tok moma, āiena hoka; kanemi hosh iba p̄isa tok okvt holissochit t̄āiyahli tok oke.

Anumpa h̄im ishi achv̄fa hosh ik im ahlot haksicha ch̄i ma, Chisvs okvt tikba akostin̄inchi tok kia, nanv̄ha ish̄it si a holis-o hokvt nana momvt holih̄isot ont tahashke; āiahni mvt, ik im okt̄v̄blo ki tok oke. Chisvs Kilāist okvt nana moma hoka, ikbi tok okvt, yakni āiokpu-

loka ilvppak naka i hollo mvt, vltobvt isikkopvt illi tok oke.

Yakni paknaka yoka ahanta na afymmi pokoli tuchina a kucha tuchina āiena foka ma, Chutvs* vt im anumpeshi fehna hatuk o kak osh ia mvt, tvli hvta toshahli pokoli tuchina hō ishit haksit, hvtyk miko yō isht im antia cha, tvshka chipota pehllichit ia mvt Chisvs oka ont ishit hvtyk miko ya isht im ona na isikkopalit ishtakano-mechi cha, nahalupa tvvrt nishkobo ha isht afōhli tok oke. Yakohmichi mvt, illi issa tok oke.

Hvtyk haksi yō yakni ymma okla āiasha kvv, vbi hokmvt, iti tāiyukhna yō aseta ha isht takehit takohlichit na takohmayvt illi cha tok ; ik nana kia hvtyk haksi okvt Chisvs holitopa ya i nukkilli fehna mvt, ibbak iti chahlinchit iyi āiena hoka, iti tāiyukhnai ya chofak hochito yō isht a honvlichit na takanlit ilvsha ma, issish chito yokvt folohumpa tok oke. Hvshi kanvlli hanali foka ilvsha āiaghli mak osh takanlit isikkopatok oke.

Yakni moma a yoshubvt āiashvcheka bieka hosh talāia cha tuk mak o kashofit i kanchi mak osh yakohmit ilbāiyvsha tok oke. Iti tāiyukhna ilvppa yakohmit Chisvs vt takali ma, yakni okvt winakvchi ma, hvshi vt āienvt yakni moma ka okhlilit kvnia tok oke. Chisvs vt ititāiyukhna yoka takali na achiba mvt, nanta katiohmi kak o an Chihowa chia hokvt is sa kanchi cho ? achi tok oke. Ilvppa achi mvt, Chihowa hoka il im issvt illit kvnia tok oke. Yakohmi cha, holopi tuk a nitak ont isht atuchina ma, falamvt tani tok oke. Yvmohmi mvt falamvt tani ha yokvt, ahanta nitak pokoli ushta ma, vba yoka ia tok oke.

Chisvs Kilāist okvt yakohmit isikkopa tok ak o nanta a katiohmi hokak o, vbanumpa vlvpisa holitopa hokvt āi vlvpiesa hīnla hō cho ? ish āiahni chishke.

* Judas.

Yvmohmi hoka achukmalit chim anohonli likma achukmalit is sūm i ponaklo pullashke. Pin tikba fehna *Alm, †If, ita tuklo hokvt Chihowa ha ik im antio hosh i filvmmiit yoshuba cha, anumpa vllhpisa holitopa yoka kobvffi cha nana isht a ilbvsha he mak o isht il o kinvffi tok moma; micha im ūnehululi moma hokvt isht a ilbvsha he moma; nana āi okpūnlo mak ocha on itonla bieka hoka nana kanima kia a isht im achukmaka he kia iksho komomi hosh, peh hvtyk yoshuba āiāhli bieka hoka; Chisvs Kilāist okvt im ithāiyana tok oke.

Yakohmit āiokpulo kv̄t ashvchika bieka hona ita nohōwa kv̄t illikmvt achukmaka yoka pisa he keyu. Chihowa Chitokaka yoka kaniohmit āi iba holitopa he keyu bano; micha āiashvcheka bieka hō āiashvt okla toba hatuk oka, Chihowa hokvt i nukkilli bieka ma, nana hochā āivllhpiesa he mvt, ik im iiksho banot i fullota hosh āiasha ma, Chisvs okvt moma i nukhāklo cha nana moma isht a isikkopa he atuk oka vno ak osh vllhtoyubvt svlvbsha na āiyubaka pullashke. Achi ma, Iki Chihowa hokvt im āiyukpanchi na, yakni ilvppa vlv̄t ant ilbvshvt isikkopvt, okla puta hokvt āi okchaya he mak o yvmohmit vllhtobvt illi tok oke.

Ulahpi hokvt Shilombish holitopai yak ocha nana apibisa ma, ohoyo limitasi hvtyk haleli tok keyu hō i fohkv̄t v̄tta tok oke; Yakohmi hokvt hvtyk nipi fehna ak iuli hona isht a fohkv̄t toba hatuk okvt asvno mvt, peh hvtyk ak iuli hoka chiyuhmi tok oke. Ahanta na afvmmi pokoli tuchiua foka mvtto nana vllhpisa chinto hō āiāhni hosh aya tok okvt achukmalit anohonli tok oke.

Yvmohmi mvt okla puta hoka im anumpohonli cha, hvsh ilekostininchashke vbanumpa holitopai yoka hvsh i yimmashke; hvsh yvmohmi t̄k mak ocha hvchi okchaya hi oke. Amba anumpa hanta achukmalit hvchīm

* Adam.

† Eve.

anohonli li kia hvchi yimmi keyu; ilekostinecha he nana kia vllpiesa hoke; hvchik āiahno tuk mvt, hvch illikmvt āiokpuloka mak o hvsh ia hi oke. Im ahanchikmvt, nana achukma isht a hopoyuksa he bieka hoka im anumpohonli beka tok oke.

Nana hō āiahni cha yvmichi i fullota hokvt nana achukma isht a kostina he bieka hoka, yvmohmi beka tok oke. Nana ik āiachukmo āashvcheka āiena fullota hoka, hvsh yvmohmi na nana okpuno hokvt achukma keyu hoke. Nana hō isht il āi yukpa he nana kia takali keyushke; im ahanchi beka tok oke.

Nana moma peh hvtk apisanli hatok mvt o yvmicha he keyu; nana kia Chisvs okvto, nana āiahni hokvt āiahlich hosh nana kia yvmihinch i likma, okla hokvt a yimmi cha. Chihowa ushi āiahli sia hoka, svthāiyana pullashke. Āiahni mvt hvtk illi kia fiohumbli; hvtk lypa kia nishkin a ikpotolo kia i fatummi; hvtk abekvt illa he tuk nana kia, peh anumpa bano kia isht hlakofihinch i; okla hvtpisa na, okhvta chito paknaka kia yakni paknaka yo aya chiyuhmit aya tok: micha hvtk holitoblit shilombish okpulo ishit tasimbōt aya tok hopaki kia, peh anumpuli hokma hlakofi tok; moma kia āiasha hoke Yakohmit avrt atāiyahli mvt, Iki Chihowa hoka holitoblit halvlli hokvt anumpa achvfa kia ik i kanchō komomit okla puta āi okchaya hi oka im atāiyahli cha, isikko-pvt iti-tāiyukhvna a honvhlvt illi tok oke.

Ilvppa yakohmi tok okvt nana iulai yo āiahni tok keyu hoke. Pilla hvtk yoshuba puta hokvt okcha yashke; āiahni hocha yvmohmit illi tok oke. Yvmohmit hvchi nukhaklo tok oka hvchik im āiyukpacho ka hīnla cho? Hvchi nukhaklo cha hvchi vlltobvt isikkopa cha ibbak, iyi āiena hoka issish bieka hō hvchi wihinli hoka nana hvsh anukehieta he keyu cho? Hvchi vlltobvt ihinli tok oka, hvchi okchaya hvchi hvnna hokmvt hvchishno ak īnli hosh pi okchayakbano; āiahnit hvchi

anukfoyukashke; hush yvmohmi keyu hokmvt, hvchi okchaya he keyu hoke. Hvchi yimmi pullashke Hvchi yimmi keyu hokvt āiokpuloka luak chito mak o hush maya hi oke.

Āiahli fehna hō i yimmikmak osh achukmalit i yimmi hoke. Amba achukmali keyu achukma anukfoka keyu hosh, peh yvmohmi tumashke. Āiahni hokvto achukma i yimmi keyu hoke. Amba nana hona ahanchi tokma mominchit i yimmi cha holitoblit halvllikmak osh achukma nukfohkvt i yimmikmak osh yvmohmi cha tuk oke.

Yvmohmishke, Chisvs Kilāist im anumpa ieshi cha vbanumpuli yokvt Chisvs Kilāist im anumpa mak o hvchim anohonli hokvt hvchi yimmi cha hvchi okchaya he kia hvchi vltobvt ihinli tok oka hvchim anohonlishke. Hvrvk yoshuba hokvt āiashvcheka aya tukmvt atia he luak chito ya im atāiyahli tuk moma hoka hvchim anohonlishke.

Uba āiachukmaka yoka ish ona cha, nana isht il āi yukpa he biekā hoka hvchim anohonlishke. Chihowa; Chisvs; micha vba hvrvk holitopa āiashvt āi im achukma na bilia hoko hvchim anohonlishke. Yvmohmikmvt āiokpuloka luak chito yoka; hvrvk shilombish okpulo; micha shilombish okpulo Setin it apeha hokvt āiashvt isikkopa hoka hvchim ahanchishke. Kanimampo hō hush āiahnashke hvchim āiahni hoke.

Āiokchaya he holitopa ilvppak oka hvchi yimmi hokmvt hvchi chukvsh a oklvhalinchit hush i hollashke. Āiyukpāiyachit pit hush im anumpohonlashke. Chihowa im anumpa vlpisa yoka hush holitoblashke. Nana āiokpuloka kia anukfielit hush itanohowa cha tuk okvt hush kanchi pullashke. Ilvppak oka hush yvmohmikmuno, hvch i kanvt hvch iki toba hi oke. Hvchi okchaya ita takla hoka hvchi apesahanchikma, achukmaka hosh hush āiasha tuk osh hvch illa he ont hvchim

vlhpiesa cha, hvch illikma hvchi afamvt hvchi shilombish oka vba āīachukmaka yoka isht onakma nana āīachukmakvt isht il āiyukpa bieka na bilia hi oke. Amba hvchi yimmi keyu peh haksobish lva chiyuhmi, Chisvs Kilāist nana ahanchi tok oka hvchik i yimmo kamoma hosh hvch illikma, Chisvs okvt hvchi nukkilli hi oke. Mikmvt luak chito shilombish okpulo Setin ita pehliechi im vlhtaha ha tuk mak o pit hvsh ita nohq-washke hvchim ahancha hi oke.

HIMONA UTTA:

OR

REGENERATION BY THE HOLY SPIRIT.

Isht anumpa hoke.

Hvtyk vt atuklant vta keyukmvt, Chihowa vba apehliechi ya pisa he keyushke.

Ilyppak okvt Chisvs Kilāist im anumpa hoke. Afrm-mi tahlepa āūah untuchina ont i vmona foka kash o, yakni paknaka yoka ahanta mak osh ilyppa mak achit anumpuli tok. Isht a hvpi kostina he mak o, holisso holitopa yoka a holissashke; āiahni na holisso tāiyaha tok oke.

Yakni paknaka ahanta mvt, vba isht anumpohouli cha, vba āīachukmaka āīena hoka achukmalit pit anohouli beka tok. Himonna vba āīachukmaka imma hoka achukmalit pit akostinīnchi bynna hosh *Chu-okla pehlichei Nikotemvst hochiefo hosh, ninak o ayvt Chisvs oka ont pisa tok. Yvmohmi ma Chisvs okvt achukmalit nana

* Jew.

† Nicodemus.

i miha mvt, hvrvk okvt atuklant vtta keyukmvt Chihowa apelihchi ya pisa he keyushke; im achi tok.

Ummona hoka Nikotemvs vt ilvppa haklo mvt, ik im akostinincho ki tok. Yvmohmi hoka Chihowa i Shilombish holitopa ak osh ik im abacho hokma, kvta hosh akostinecha wa. Chalita yokvt anumpa ilvppa haiyaklo mvt, achukma akostinincha he keyushke. Katiohmi hokak osh atukla ka vtta hinla hokak o mak achi cho? āiahni hi oke.

Atukla vtta hoka, Chisvs vt achukmalit anohonli tok ona holisso holitopa a takohmāya hoke. Okla hvsh moma hokvt achukmalit ilvppa pulla hoka hvsh akostinechi pullashke; atukla ka hvsh vtta keyu hokmvt, Chihowa apelihchika yoka hvsh pisa he keyu hoke. Āiokpuloka luak chito mak o pit hvsh itokaha hi oke.

Katiohmi hokak osh atuklo ka vtta hinla cho? hvsh āiahni chishke. Achukmalit hvchim anohonli lashke. Shilombish holitopa yokvt hvpi chukvsh oka inlvchit takalichi na vbanumpa hoka ahninchikmak o atukla ka vtta achi cha tuk oke.

Okla moma, vlla moma, in chukvsh okvt ik achukmo hoke. Yvmohmi tuk mak o, Shilombish holitopa yokvt inlvchit himonvchi hokma, Chisvs oka il ahninchichi cha, nana achukma puta hoka e holitobli hokmak osh atukla ka iloh āi yvttā hoke. Āiashvchika bieka hona iloh āi yvttā tok oke. Ilvppa yakohmi hoka, achukmalit holisso holitopa ak ona isht a hvchim anohonli lashke.

Ummona hoka, Chihowa hokvt, hvpushno hvpi holba hō, isht il ahobachit hvrvk oka kilo ikbi; achi tok. Yakohmi hō Chihowa hokvt il ahobachit hvrvk oka ikbi tok; Chihowa hokvt il ahobachit nakui, micha tek, ita tuklō kak o, ikbi tok oke.

Ummona hoka hvrvk vt toba mvto, Chihowa ak inli hoka isht a hoyulba tok okvt amiha kanohmi hoke. Chi-

howa hokvt shilombish biekakma, hvtk okvt shilombish nitak nana illa he keyu mak o isht a toba tok oke.

Chihowa hokvt ahopoksia hokvt, im āiahli biekā cha, nana puta kia ithāīyanakma, hvtk okvt im anukfila āīashvt nana kia im pona biekā hosh toba tok oke.

Chihowa hokvt achukmvshke; nana hona āiahnikmvt, im āiahli biekvt i fullota hoke. Yvmohmi hoka hvtk okvt himona tovt ahanta mvt, chvksh okvt achukma kv, Chihowa ak inli ka chiyuhmi tok. Nana hō āiahnikma āi vhpiesa bano tok. Im anumpa moma nana kia yvmichi tok okvt achukma bano tok. Chvksh a isht āi okluha mak o Chihowa ha holitobli beka tok. Āiyokpanchit im anumpa hoka holitobli beka tok. Ūbahvtk holitopa vba āīasha hoka lvmvt ik lāūo ki tok oke.

Nana im antia yakohmi biekā hatok okmvt hvtk okvt nitak nana illa he tok keyu hoke. Illi ka moma isikkopaka moma, nana kia isht a ilbvshvt nukhaklo kia i hāīaka he tok keyu hoke. Okchayvt anta na bilia he tok oke. Chihowa holitobli hokvt nana a isht im achukmvt bilia he tok oke.

Yvmohma he tok ok ak osh hvtk tikba Alvm* hochiefo hokvt yvmohmit anta na ik hopako ki tok oke. Chihowa hokvt Etint osapushi oka bohli tok oke. Imomaka pisa bvna hosh, Chihowa hokvt yvma bohli cha, iti moma hoka achukmalit āi im anoli tok. Mmvt Chihowa hokvt hvtk oka nana i miha hokvt iti moma osapushi a hiohmaya hoka, peh ish āi vpashke. Amba iti nana achukma, micha nana okpulo āīena āi ihvna yokvno chikpokashke. Ish pakmvt i nitak mak inli hō, chilla hi oke, im achi tok oke.

Yvmohmi tok kia, Alvm ash osh iti āi im olvbit in tāīyahli tok ok ak o, a ishit vpa tok. Yakohmit ilapakpovvt Chihowa im anumpa hoka kovvfi kv, Chihowa

* Adam.

† Eden.

nana āiahni hokvno ik im antio hosh ilapo bieka nana āiahnit ahanta tok oke.

Chilla hi oke; im ahanchi hokvt yvma vpa hokmvt, illa he tok keyu kia, illi cha, falamvt yakni oka a kvnia he mak o, maka tok. Shilombish ak kia holitopa Chihowa ha chiyuhmi tuk ak inli kia okpulo tok. Tobahpi hokvto Chihowa hoka holitobli beka tok kia, Chihowa hoka im antia ik bvnnot i nukilli tok oke.

Chihowa hosh anumpohonli tok oka, im anympa hvv ik kobafu ki tok oke. Alvm okvt vpa mak inli hosh nitak yvmak fehna illi tok. Haknip moma hoka nana āi illa he mak o, isht il onoyuchi tok. Im anukfila āiena hokvt Chihowa hoka im a inlvv okpulo tok. Haknip okvt shilombish a it i filvmmikmak osh iyilli hoke. Mikma shilombish okvt Chihowa hoka i filvmmikmvt, iyilli cha tuk mak inli hoke. Mikmvt Chihowa hoka ahninchit nukfoyuka cha tuk kia, Chihowa hoka i yoshubvt kvnia cha tuk oke. Alvm okvt iti āi im olvbit tāiyahli tuk oka āi vpa mvt, nitak yvmak fehna ak inli ho, Chihowa hoka ithāiyana beka tok okvt, im vlhkvnivt yoshubvt ili hofahyali tok oke. Chihowa hokvt osapushi a ont chukowat aya ma, Alvm ash osh ithana tuk ak inli kia, im vlhkvnia hatuk osh afamvt ia vlhpisa hokak o, i nukshopa cha i filvmmi chvvt luma tok. Chihowa hoka ithāiyana beka tok kia im vlhkvnia hokvt lumalikma, sa pesa he keyu hoke. Āiahni mvt, osapvshi iti bihmaya tok ak o in luma il ahobit āi atukko toba tok oke.

Alvm okvt yakohmi cha, Chihowa hoka i yoshuba cha ilvrsha tok oke. I hollo tok ik nana tok kia, i kvnia tok oke. Chukvsh okvt okpulo hoka nana kia āiahni hokvt yvmichikina, āi vlhpisa bano hokvt ik im iksho ki tok oke. Ilapakpovvt ilapo bieka nana āiahni hosh aya hokvt, Chihowa hoka a hoyulba tok ik nana kia yoshubvt hāiyaksi hokvt, nana okpulo Setin* ak o āi itiholba tok

* Satan.

oke. Nana hoka bāiyvna kv̄t il āi oktambli kia ik im iiksho hokv̄t, nāmpoa okpulo āiashv̄t illi kak īnli kak o chiyuhmi tok oke.

Okla moma hokv̄t Alvm oka isht atia bano hatuk osh Alvm nana āiahni tok moma hoka hoyulba hoke. Yakni moma hoka a hofantit āiasha hokv̄t, Chihowa hoka im antia keyu banoshke. Āiashv̄chika bieka kak o im v̄lhtayak ocha āiashv̄shke. Chihowa hoka anukfila achukma hokv̄t pit hoyulba kia iksho hoke. Chihowa hoka ithāiyana kia iksho bano hoke.

Yakni moma ka hofantit āiasha hokv̄t, Setin nana āiahni kak o itiholba banoshke. Ilapv̄nlv̄t ilefenv̄chit ita nowa hokv̄t, Setin okpulo ak īnli hoka chiyuhmishke. Nana bāiyvna kv̄t ilai oktv̄bli kia iiksho, nāmpoa āiashv̄t illi kak īnli kak o chiyuhmishke.

Ilv̄ppa moma yakohmi hoka, atv̄kla ka ilo v̄tta he v̄lhpiesa hoka, nana hoka isht ilo ithāiyanv̄shke. Ilv̄pi chv̄kv̄sh okv̄t ik achukmo fiena hoke. Āiashv̄chika pulla hona a pi hofanti tuk okv̄t atv̄kla ma iloh āiyv̄tta he tuk oke. Ohoyo hona a hofanti tuk okv̄t atv̄kla ma v̄tta he tuk oke.

Eho katiohmi hokak osh atv̄kla ma ilo v̄tta hīnla cho? anonti hv̄sh āiahni chishke. Himona v̄tta nana isht a yvmohmi hokv̄t, Shilombish holitopai yak osh pi nukfoyuki hona atv̄kla ma il āi yv̄tta cha tuk oke. Chihowa hoka ithāiyanv̄t holitoblit āiyukpānchit iloh im antia hokmak o Chihowa hokv̄t falaminchit pi holitobli na im āiahli biekv̄t i holbakmak osh atv̄kla hoka ilo v̄tta hoke.

Ilv̄ppa eho yakohmi hoka Shilombish holitopai yak ocha, nana apihisa yvmohmi hoke. Akaniohmi hosh yvmohmi kia achukma il akostinīnchi keyushke. Chisv̄s okv̄t ilv̄ppa chim ahanchi li hoka okokko, chik āiahno kashke; atv̄kla ma ish āiyv̄ttashke. Mahli foka ka ish hāiyaklo ho kia yvmmak ona ia chik āiahnoshke, mikv̄t yvmmak ona ia chik āiahno kak i shilombish ish

āi vttā hokv̄t yvmmak īnli hona chiyuhmi hoke. Niko-temvs a im ahanchi tok oke.

Atukla ka vttā hokv̄t himona vttā hoka a holba chiyuhmi hoke. Ullai yokv̄t ik vtto kīsha kv̄t nishkin vt āiasha kia, ishit hopokoyo keyu hoke. Haksobish okv̄t hīnli kia, haponaklo keyu hoke. Nana puta āiasha kak kia āi akostinīnchi kia iksho hoke. Yvmohmi tuk mak osh vttakmv̄t, hoponayo hoke; micha haponaklo kia im pona hoke. Im ilhfiopa kia āiasha cha fohympa hoke. Yvmohmi tuk mv̄t vttakmv̄t ont īnlvt taha hoke.

Yakohmi hoka himona vttā il ahanchi kv̄t yvmohmi hoke. Hv̄tvk okv̄t Chihowa ī shilombish a isht ik āi vtto kīsha hokv̄t nishkin vt im āiasha kia hopukoyo keyushke. Haksobish okv̄t ī hīnli kia haponaklo keyushke. Haksobish okv̄t ī hīnli kia haponaklo keyushke. Nana hoka isht achukmaka he ik nana kia haklo ik bāiyv̄nnot haksobish hv̄pli chiyuhmishke. Yakohmi hokv̄t Chihowa hoka akostinechit āiyukpānchi keyushke. Im anumpa im antia achukma keyushke.

Amba hv̄tvk okv̄t atuklānchit vttā hokmv̄to, īnla fehna hoke. Nishkin okv̄t ī fatuma cha, hoponayo cha, Chihowa hoka ithāīyanv̄t holitobli hoke. Nishkin okv̄t yakohmit ī fatumakma, Chisvs Kilāist a ithāīyanv̄t holitobli hoke. Haksobish okv̄t ī fatuma cha, Chihowa im anumpa hoka hāiyaklokmv̄t im antia hoke. Chihowa ī Shilombish okv̄t ī chukv̄sh fehnaī ya a foyuka hoka il akostinechi hoke. Chihowa ī Shilombish okv̄t chukv̄sh a himonv̄chit ī foki na, Chihowa fehna ak o ī holitopa kv̄t nana moma im ī shāīyali kak kia il akostinechi hoke.

Chisvs oka ī yimmit āiyukpānchit hokv̄t nana isht il āi ykpa fena hoka. A tasimbo ka imma aya cha tuk okv̄t ī filv̄mmit im anukfielv̄t aya hoke. Chihowa im anumpa v̄lhvisa bicka bano hō im antia bv̄nna hoke. Uba pit anumpohonli hokv̄t āiyukpānchi hoke. Chi-

howa im anumpa haponaklot hahaklo hokvt a im achukma cha tuk oke. Nana āiahni hokvt Chihowa ak bano ho holitoblit im antio bano kak o bāiyvna cha tuk oke.

Ilvppa yakohmi kak o himona vtta ahanchi ka isht il ithāiyana cha tuk oke. Im anukfila hoka Chihowa i Shilombish okvt inlvchit i fokikmak o himona vtta achi cha tuk oke.

Ilvppa yakohmit himona toba kv̄t, Chihowa hoka a hoyulba hoke. Chihowa hoka ik akostinecho cha tuk kia, himona akostinechi Chihowa hoka holitobli hoke. Ilapakp̄ow̄t ilefenāiyachit kv̄na kia i yimmi ikshot aya cha tuk kia yakohmi hokm̄vt, im anukfila hokvt inla cha nana isht a it i hohulla he bieka kak o āiahni cha hv̄tvk puta holitobli cha tuk oke. Nana okpulo Setin oka a hoyulba cha tuk ik nana kia, Chisvs Kilāist nana im anukfiela tok mak ona a hoyulla cha tuk oke. Kv̄na kia yvmohmikumak osh himona vtta cha tuk oke.

Ilvppa yakohmi hoka, atukla ka ilo āi vtta hokvt eho yvmohma he mak o nana hokvt yvmohmit achukm̄vt v̄lhp̄ih̄sa tok oke. Atuklanchit ilo āi vtta cha pi holitopa hi oka Chihowa hokvt hv̄p̄im anoh̄nli hoka hv̄p̄i yvmohma he v̄lhp̄iesv̄shke. Chukv̄sh isht okluhal̄inchi mak osh Chihowa hoka isht ithāiyanv̄t e holitobla he tuk oka Chihowa hokvt hv̄p̄im atoh̄n̄nchi hoke.

Chisvs Kilāist im anukfiela tok mak o hv̄sh hoyulbashke; hv̄p̄im ahanchi hoke. Nanasi kia āiachukmakali na a isht ilo āiyukpāiyacha hi oka, hv̄pi miha hoke; micha ushi Chisvs Kilāist hv̄p̄im issa na pi v̄lhtobv̄t ih̄nli tok mak o isht il im āiyukpahn̄acha hi oka, hv̄pi miha hoke. Hv̄pi chuka-apanta hv̄tvk kia eho holitobla hi oka hv̄pi mih̄iha hoke. Yvmohmikumv̄t, okla moma hoka āiachukumaka he pulla kak o hv̄sh im anukfielashke, hv̄p̄im ahanchi hoke.

Inla kv̄na kia hv̄chi nukkielit hv̄ch̄in tv̄n̄ampi kia hv̄sh i nukhaklot peh hv̄ch̄im ahaksashke, hv̄p̄im ahanchi

chishke. Anumpa nana kia hvsh anumpoyulikmvt, inla kia ik ahobāiyalot hvsh anumpohonli na haklo cha nana kia isht hvchim ahanchi na. Nana puta hvchim anukfiela hokvt, Chihowa pulla ak o holitoblit anumpoyulit hvsh āiasha pullashke; hvpm ahanchishke.

Yvmohmi kia atuklanchit ilo āi vttā keyu hokmvt, nana āi achukmaka yakohmi hoka hvpi nukfoyuka hvpm pona keyu hoke. Atuklanchit ilo āi vttā keyu hokmvt, Chihowa hoka iloh it hāīyanvt eho holitobla he keyu hoke. Im anumpa vlpisa kia iloh im antia he keyushke. Chisvs vt hvtk okvt atukla ka āi vttā keyu hokmvt Chihowa apeliechika yoka pisa he keyushke.

Ahanchi tok oka atukla ka hvsh āi vttā keyu hokmvt, vba āiachukmaka yoka hvsh ona he keyu hoke. Hvch illikmvt, āiokpuloka hohtak luak chito mak o hvsh ia hi oke. Nana okpulo Setin mak o hvsh a hoyulba hokvt hvch illikma, hvchi shilombish okvt yummak o ia cha, ont iba foyukvt āi isikkopa na bilia hi oke. Uba-shilombish holitopai yak o atuklanchit isht a hvsh āi vttā cha, Chihowa hoka ithāīyanvt hvsh holitobli keyu hokvt vba āiachukmaka yoka hvsh ona he keyu hoke.

Āiokpuloka luak chito āi isikkopa yoka, ia ik hvchi bvuno hokmvt atuklanchit hvsh āi vttā he vlpiesa hoke. Yummak o hvchi bvna hokmvt Chihowa hoka im ilbāiyvshvt hvsh im asilbhahanchikma, hvchi nukhaklo cha chukvsh himona hvch ima hokma, atukla hvsh āi vttā he tuk oke. Hvsh im asilbhahanchikma, chukvsh himona yoka hvch imakma āiyukpanchit hvsh holitobla he tuk oke. Hvsh im asilbhahanchi na Chisvs Kilāist vt anukfihinli tok mak o hvchi chohmicha hinla hoke, hvsh im anumpohonli pullashke. Hvchi yvmohmi hokmvt, Chihowa im anumpa vlpisa yoka hvsh im antia hokmvt, vba āiachukmaka yoka hvsh ia cha, nana isht hvchi achukma kvv nayukvvt hvsh āiasha na bilia hi oke.

ILEKOSTININCHI:

OR

REPENTANCE NECESSARY TO SALVATION.

Isht anumpa hoke.

Oh ilekostoninchi; Uba-miko im anumpa hvt olanlosi vla hoke.

Anumpa ilvppak oka Chisvs Kilāist ak osh yakni paknaka yoka ahanta mvt, anumpohonli tok o, holisso holitopa yoka takohli hoke. Chisvs okvt hvrvk moma āi ilbvsha hoka pisvt i nukhaklo mvt, Iki oka issvt aya mvt hvrvk haknip o ant isht a tobt, yakni paknaka yoka vltvt ant isikkopvt illi tok. Ilvppa yakohmi hokvt okla hoka nana im avchit vba āiachukmaka yoka pit im anolit okchalinchi hvvna hosh vltobvt iyilli tok oke.

Afvmmi pokoli tuchina foka mvt, nana āiahni hosh aya tok okvt hāiakāiyachit isht anumpohonli mvt, vbanumpa hoka anumpulikmvt, okla moma nana isht im āi achukmakvt nayukpa he biega kak o im āiahnit anumpohonli beka tok. Uba isht anumpohonlikmvt, oh ilekostoninchi; Uba Miko im anumpa hokvt olanlosi vla hoke. Hvch ik ilekostonincho hokmvt hvch ilbvsha he mak oke. Ahanchi beka tok oke.

Ilekostoninchi hokvt katiohmi ho cho? hvsh āiahni chishke. Yvmohmi hoka nana hona sihli chiyuhmi bocha hvchim anohonli lashke. Okla moma hokvt ik ilekostonincho hosh nana isht im a katiohmi āasha hoka hvchim anohonli likmvt ishit mahaya likmvt, a katiohmit hvsh ilekostonincha he tuk oka hvch im anohonli lashke.

Okla puta hokvt Chihowa hoka i yoshubvt ashāiyachi tok oke. Oklushi puta, hvtkv kauashvchi, himitāiyachi, ita hiyohli kv; hvtkv nana in lāūa moma; ilbāiyvsha moma; peh āīasha moma hokvt Chihowa hoka im ashvcheka bano hoke.

Okluha hokvt ashvcheka bano hoke; ahanchi kv, hvtkv okvt haksit nana kia okpuni tok mak o, mak achi keyu hoke. Amba chukvsh okvt himonvt toba tok keyu; sipokni okvt im āīoyuna im anukfilat himona kia iksho, im anukfila sipokni yoshubvt ashvcheka shahli bieka hosh moyvmakma, hvtkv ashuchi ahanchi cha tuk oke.

Chukvsh okvt ik achuyukmo hoka, Chihowa hokvt im anumpa holisso holitopai yoka isht a pīm anohonli hoke. Chihowa hokvt hvtkv yakni paknaka yoka āīasha hokvt haksi atampa fiena cha, nana kia, isht anukfieli hokvt nana okpulo ka bat bilia ma, pihisa tok oke. Chihowa hokvt vba āīachukmaka yoka hvtkv ushi āīasha ka āūet o hopvkoyot kanima mvt Chihowa hoka ithāīyanvt āīasha chishke; āīahnit āūet pisa tok. Yvmohmi tuk o okluhvvt naksika bieka hō ita nohōwa cha āīokpuloka tāiyaha hosh āīasha tok. Achvfa kia nana achukma ka yvmichi kv iksho komomi tok oke; ahanchi tok oke.

Yvmohmi ma Chisvs Kilāīst okvt nana hosh hvtkv oka a koyucha hokmvt hvtkv oka okpvnī hoke. Hvtkv chukvsh anukaka a kucha hokvt anukfila okpulo; hāūi imma anukfieli; hvtkv mīka vbi; hukopa; nana isht potvno shahli; ṭasimbo; nahaksichi; hāūi anukfoyuka; nana okpulo anukfieli; nana isht a hobalo kia anumpoyuli; ilapakpōwa; hāīyaksi; okishkot haksi holhkunna; nana okpulo ilvppa moma kak osh hvtkv anukaka kuchvt mintit hvtkv okpvnī hoke; ahanchi tok oke.

Okla moma hokvt yakohmit Chihowa hoka i yoshubvt ashāiyvchi hoka, Chihowa hokvt i nukkillā he vllhpiesa hoke. Shilombish okvt yoshubakmvt illa hi oke; Chi-

howa hvt achi tok oke. Haknip okvt illikma Shilombish vt āi okpuloka luak chito a ona cha ilbashvt bilia he ak o ilvppa mak achi hoke. Hvtvk yoshuba pulla tuk mak osh āi yakohmit ilbasha na bilia he āi vlhpiesa hoke.

Chihowa hokvt achukmvshke. Nana ho āiahnikma, vlhpiesa biega hoke. Hvtvk ashvchi yokvt āi ilbvsha he āi vlhpiesa hoka im ithāiyana biega hoke. Im anumpa vlhpisai ya ik im antio hokma yvmohmit im ahlekvtchi li vlhpiesvshke; āiahni im pona hoke. Āiokpulokai ya pit kanchi na ilbāiyvsha hokma a yvmicha he im vlhpiesa hosh yvmichi hoke. Yakohmi hoka okla moma ita hiyohli kv̄t nana, isht a i nukhākla he vlhpiesvshke. Chihowa hoka i yoshubvt āiasha hoke. Yoshubvt ashāiyachi hatuk mak o, Chihowa hokvt a tokohlit i nukkieli hoke. Yoshubvt ashāiyachi hatuk mak o, Chihowa hokvt atokolit i nukkieli hoke. Yoshuba yakohmi hatuk mak osh luak chito yoka isht a ilbashvt bilia he vlhpiesa hoke.

Yakohmi hona Chisvs okvt okchalinchi bvnna hosh vla tok oke. Anumpa vlhpisa ya hvtvk okvt kobahāfi tok oka, achukmalit hvmmohlit im antia cha vlhtobvt illi tok oke. Ilvppa yakohmi hokvt anumpa vlhpisai yvt achukma ak inli hokak o hvtvk vt kobvfi na, falaninchit āiskiachi bvnna hokvt yakohmit aya tok oka, hvtvk yoshuba tok vt isht āi akostinincha he vlhpiesvshke. Hvtvk okvt illikmv̄t, luak chito ia cha isikkopa he vlhpiesa āiahni he biekvshke. Amba Chisvs okvt hvtvk moma kv̄t kv̄nia he vlhpiesa hosh āiasha ma, i nukhāklo cha vlhtobvt illi tok oke. Chihowa im anumpa hoka holitoblit okla puta hoka vlhtobvt iyilli tok oka, ilekostininchi cha i yimmikmv̄t okchaya he bano hoke.

Ilekostininchi hokvt katiohmi cha tuk o cho? hvsh āiahni chishke. Kv̄na ilekostininchi nokmv̄t, Chihowa ha i yoshubvt aya li tok a chinishke; āiahnikmv̄t nuk-

haklo fehna cha tuk oke. Kanimi hokvt yoshubvt aya li, Chihowa hokvt a nukkillishke; āiokpuloka luak chito a ia lish sa sikkopa chi hoke; āiahnikmak osh nukshopvt nukhaklo hokvt āiasha mak inlashke. Iluppa yakohmit hokvto ilekostininchi bvnna nanukhaklo āiahli keyu hoke.

Āiahli hokmvto ashvchit yoshubvt aya li cha tuk okvt svllikmv, sai okchaya he keyushke. Āiahnikmv Chihowa holitopai yak o i yoshubvt ik ithāīyanot aya cha, tuk ak osh nukhaklo fiena hoke. Shilombish holitopai yokvt chukvsh himonai yo ima na Chihowa hoka ithāīyanvt holitobli cha tuk oke. Chihowa hokvt achukma ka ithāīyana cha tuk oke; holitobla he vlpiesa hoka ithāīyana cha tuk oke. Chihowa im anumpa vlpisa yokvt achukma hoka akostininchi hoke. Nana āiashvchika yoka isht āi ilbvshacha he ik nana kia, holitobli hoke. Kobahafi tok okvt ithāīyanakmv nukhaklo cha tuk oke.

Chihowa hokvt nana āi achukmaka pulla kak o im atāīyahli na aya cha tuk okvt akostinechi hoke. Im antivt holitohomblit ont im āiahli i fullota keyu hokvt ik im achukmo cha tuk oke. Chihowa hoka holitobli kv āiyukpanchi kv ahniechi hosh yvmihinchi cha tuk oke. Isht i shalechit ik holitoblo hokvt ik im achukmo cha tuk oke.

Ile kostinechikmv, Chisvs Kilāist āiena ka holitobli cha tuk oke. Ik ilekostinincho kisha kvto ithāīyanvt ik holitoblo ki tok kia, Shilombish holitopai ak osh chukvsh himonai ya imakmak o ile-kostinechi cha Chisvs okvt holitopa bieka hoka akostinechi hoke. Micha nanuha ka isht anukchietot im antihakmv, Chisvs ak osh a nukhaklo cha isikkovt si vltobvt illi tok oke; āiahnit pihisa cha tuk oke. Um ashvcheka pulla kak o ilbāiyashvt issish i hlatabampvt illi tok oke; āiahni cha tuk oke. Yakohmi moma ka il akostininchikmv, āvsh-

vcheka pulla kak ona Chisvs holutopa yokvt illi tok oke ;
āiahnikmvt nukhāklo hoke.

Im ashvchika yokvt lāwa fehna na anukfielikmvt, nuk-
hāklo hoke. Nana hō ashvchit miha, anumpa achukma
keyu kia anumpoyuli ; chukvsh im anukfiela hokvt āiah-
li keyu ; ashvcha he chiyuhmi hosh āya cha tuk vt il
anukfielikmvt, nukhāklo fiena cha tuk oke.

Āishvchika yoka isht a nukhāklo kak bano keyu, i
nukkilli āieninchi cha tuk oke, ak ahalāyo hokbano
āiahni kak biēka cha tuk oke. Chihhowa pit im asilh-
hahanchikmvt, āi ashvcheka moma āya li cha tuk a
ahvlinchit si achifvt is sā kvshofi cha, hvtrk sa bika kia
im āiahli li keyu ka imma ka is sā kvsofashke ; chukvsh
achukma hō ikbit is sā foyuki cha, Shilombish inlai yō
himonvchit achukmalit is sā foyukashke. Hvtrk yoshu-
ba sia hoka is sā nukhāklashke ; ahanchi hoke.

Ashāiyachit Chihowa hoka i yoshubvt āya cha tuk
okvt ik i luyumo hosh im ilbvshvt isht im anumpohonli
cha, Chisvs Kilāist im issish ak ona isht im akvshofa
hinla hokvt im asilhhahanchi hoke. Im āishvcheka
yokvt Chihowa ha āi im vlpesa keyu hoka, i nukkilli
cha tuk oke. Yvmmak atuk mak o Chisvs Kilāist okvt
isht ihinli tok oka ik im achukmo cha tuk oke.

I nukkilli kak bano keyushke ; āiissvchit im atāiyaha
hoke. Kvna hosh yakohmit ile kostinechikmvt, nana
im āiokpuloka moma hoka issa cha tuk oke. Hvtrk
okishko shahli atuk okmvt issa cha, kostienit āya hoke.
Hvtrk holabi atuk okmvt holabit issa cha, hvtrk āiahli
achukma hoke. Hukopa hatuk okmvt hukopvt issa
cha, hvtrk vlpiesvt āya hoke. Ulla iki, ishki, ita
tuklo im antia keyu hosh ita nohwa cha tuk okmvt,
falamvt im antia achukma cha tuk oke. Kvnia kia
yakohmit ile kostinechit ashvchit issakmvt, Chihowa im
anumpa vlpisai yoka im antia bieka kak o āiahni cha
tuk oke.

Kvna hosh ile kostinechi cha ashvchekvt issa cha, Chihowa im anumpa vlhpisai ya im antia hokmvt, āi achukmakvt okchaya nitak nana ataha iksho mak o, pisa hi oke. Yakohmi hoka ile kostinechi kvt nana isht āi vlhpiesa he bieka hoke.

Chahta hvchi hochiefō kia nana isht hvchi vlhpiesa hi oke. Hvsh ile kostinechi keyu hokvto vba āiachukmaka yoka hvsh chukowa he keyu hoke Ūba āiachukmaka yokvt a holitopa ka atuk o, Chihowa holba keyu hokmvt chukowa he keyu hoke. Ile kostinechit Chihowa hoka im antia keyu hokvt, Chihowa hoka hoyulba keyu hoke. Yvmohmi ka ile kostinechi keyu hokvt kvna kia vba āiachukmaka yoka ona he keyu hoke. Yvmohmi ka momvt āiashvcheka isht ik il akostinechi, ik pī kashofa āiahni hosh Chihowa hoka im asihhla mak inlashke. Chihowa hoka ik ithāiyano cha, Chitokaka Chisvs Kilāist a im vbanumpa ha ik im antiokmvt āi ilbasha Chihowa itikba fehna āi im ahlekvt isikkopvt illa hi oke.

Chihowa hokvt hvchi hohowa kv, vno Chihowa Chitokaka sia hv sai okchaya moma kv hvrvk yoshuba illi hoka isht v̄m āi achukma keyushke. Hvrvk yoshuba hokvt falama cha okchayashke; hvsh falamashke, hvsh falamashke; nanta katiohmi hona hvsh illa chi cho? ahanchi hoke. Yvmohmi hoka ho hāiyaklot oh im antia cha hvchi okchayashke; āiahni lishke; hvchim achishke.

HUTUK ILLI MOMA TANA HE NITAK MICHA
NANA ULHPISA CHITO AHE AIENA,
ISHT ANOLI HOKE :

OR

THE RESURRECTION AND FINAL JUDGMENT.

Nitak ishtāiyopi Chisurs Kilāist okvt v̄la cha, hutuk illi oka tanicha hi oka, huchīm anoh̄nli la chī hoke. Chah̄ta okla hokvt holisso holitopa yoka ik im iikshot ik ithano hokvt, hutuk illi tanit wakaya hi oka ik akostin-choshke.

Holisso holitopa ak keyukma, okla nipi tohbi ak kia akostin̄incha he tuk keyu hoke. Haknip okvt illikma, yakni anukaka bohyulikma, ituyulvt yakni oka a toshbit falamvt yakni ilv̄ppa iloh āīasha hoka a tobt a k̄vnia hoke.

Haknip okvt illikma, shilombish okvt yummak o ia il āīahna he tuk keyu hoke. Illikma aw̄nt illikma; keyukmvt, yakni inla ho i filv̄mmit ik aya he tuk, nana kia il iḥāiyana he tuk keyu hoke. Āīachukmaka bieka h̄q ah̄antakma; keyukmvt, āīokpuloka bieka h̄q ivt ilbāiyvsha he, micha nana im a kaniohmi moma, nana kia il im akostin̄incha he tuk keyu hoke.

Pim anukfila bieka h̄q nana isht anukfielit yakohmit moma hoka isht il akostin̄incha he tuk keyu nana tuk kia, Chihowa hokvt pi nukh̄aklo cha pim anoli tok oke. Im anumpa achukma holisso holitopa yoka pima tok. Anumpa yummak oka isht a pim anoh̄nli hokvt shilombish okvt haknip oka aw̄nt illi keyu ka, achukmalit pim anoh̄nlishke. Āī illikma haknip oka i filv̄mmit yakni inla h̄q ia hoke.

Illikma, Shilombish okvt im atia tuklo hoka, anumpa holitopa yokvt pīm anohñlishke. Hvrvk kostienit ayvt vbanumpa holitopa yoka i yimmit holitoblit ahanta cha tuk osh illikma, shilombish okvt āiachukmaka shutik vbai yoka anukaka talāia kak o ia hoke. Ilvppa ona hokmvt, abeka okpulo, āi ilbvsha he chohmi, nana kia pisa he keyu hoke.

Amba atia achvfa hokvto āiokpuloka fehna hoke. Hohtak chito yosh hituk lakna isht aluvt wimilihñchi hosh talāia hoke. Ilvppak o hvrvk haksi vbanumpa kia i yimmit im antia keyu hosh illikma, shilombish okvt āiokpuloka luak chito ilvppak o ia hoke.

Ilvppa atia tuklo ilvppak oka ivt āiasha tuk o, nitak ont ishtāiyopi fehna, Chisvs Kilāist okvt vba minti hosh, hvrvk illi haknip oka yakni anuka āiasha tuk kia tani-chikma, falamvt okchaya tobakma, shilombish okvt haknip a falamvt it iba fohka cha, hvrvk achukma tok ok mvt, āiachukmaka pilla ak o ia cha okchayvt biliakma; hvrvk haksi vt tok ok mvto āiokpuloka ia cha, ilbvsha na bilia hi oke.

Holisso holitopa yokvt nitak ishtāiyopi, hvrvk illi tana hi, nana a kaniohmi moma hi a, anohñlishke. Nana moma himaka eho pihisa kvv nitak im ishtāiyopa he bieka hoke. Hvshi vt nitak moma pi o hanvblit ayakmvt, pi on tohomi cha, yakni oka on toyuhmikma, nanvha kvv o hofa cha tuk moma; hvsh-ninak-aya; micha fochik a holhtina iksho okhlilikma, vbai yoka mominchi na eho piesa cha tuk moma; yakni ilvppa paknaka yoka il āiasha cha, nana ilimpa nana kia ahauchit vpvv pi āiokchaya cha tuk moma hokvt nitak ishtāiyopikma, iksho komoma hi oke.

Hvshi chito vba ayvt tohomi na afvmmi tahlepa sipokni kanohmi cha tuk vt mosholit ai kvvñhi oke, Hvsh-ninak aya yokvt ayvt issakma, fochik lāua hokvt vbai yoka ashvt it a tiapa chohma hi oke. Mikma yakni

ilvppvt nanuḥa āīasha moma tok a āienvt luvt taha hi oke. Nana moma hokvt nitak ont ishtāyopikma, yakohmit āiokpulo kvt taha hi oke.

Nitak ishtāyopi yummak fehna hoka, Chisvs okvt vba-hvrvk holitopa moma it apiha hosh, hoshonti chito yoka hlopullit vbai ya mihinta hi oke. Vbai ya mihintikma, yakni kanima pilla taloha hoka i hāīaka fehna hosh mihintikma, momvt pisa hi oke. Hiloha chito nana chiyuhmit malvtha vmmona hosh shohmalali kvt hvshi chiyuhmi hosh minta hi oke.

Yvmohmikma, yakni paknaka yoka okchayvt āīasha tuk mvt mintikma, yummak osh mintishke; āiahnit okla momvt pisa hi oke. Tahlepa sipokni holhtina iksho chiyuhmi hō, pehliechit shomalali kvt hvshi kia i shali fehna hosh mihintikma, pihisa hi oke.

Ilvppak okvt isuba in chuka āī vta tok o, ilbvshalichit iti-tāiyukhvna oka a honvhlhinchī tok mak o, yakohmit aya hi oke. Ayvt vlahpi mvno okla hokvt isht ik i ahno na hikikīa beka nana tok kia, vba-hvrvk pehliechit yakohmit ayakmvt inla fehna hi oke.

Chisvs okvt nana im āīahli kvt okchayvt yakni paknaka ahanta ma, hvrvk miko kostieni keyu hō isht im ona ma, ilbvshachit in tvshka yokvt na-halupa nana kia ikbit nishkobo hoka isht a takchechi cha on tustovt kvllakshiechi mvt, hvrvk hukopa haksi tuklo hō, iti takla takalechi cha, ik ahobalot, nana mihachit ilbvshali tok moma hoka yvmohmit kvllakshi tok a ahomba kia, iksho hosh Iki Chihowa nana moma isht im a holitopa yoka a im vltaha holitopa achukma hosh mihinta hi oke.

Nitak ishtāyopi yakohmit Chisvs okvt ayakma, yakni a hvrvk biekvt alotoa hi oke. Kanemi hokvt kostini achukmaka, kanemi hokvt haksi hosh āīasha hi oke. Chisvs okvt yakohmit mihintikma, hvrvk haksi āīasha tuk okvt pisakmvt, ik im achukmo ka hi oke. Haksi biekā hosh āīasha cha tuk oka haksinchī hosh ayvt vta

na anukhlakan̄cha hi oke. Tasimbot itukhlakafvt cha-
kapvt ita nowa ka habofit i kancha hi oke. Mikma yak-
ni moma ka anukhlakan̄cha, yaya ilbvsha hosh alota hi
oke.

Yakohmi ka katimak o ia cha, a lumboa he keyushke.
Tvli hochito micha nv̄nih chaha hiohli ka pi o kinafvt
pi on vtulvt hv̄sh pi lumashke; mikmv̄no Chisvs okvt
pi pesa he keyu hoke; ik achi kia āi v̄lhpiesa hokvt ik-
sho ka hi oke.

Chisvs oka kvllakshiechit ik i yimmo cha tuk moma
hokvt, yv̄mma nitak fehna hokv̄no achukma pih̄isa hi
oke. Nayukpvt itukhlakafvt āiasha cha tuk kia, isikko-
pvt yahayakmvt, ilvpisa bieka cha nukhlakan̄chvt yayvt
haknip moma hokvt hiyuchichit ilbvsha fehna hosh it a
hiohla hi oke.

Amba Chisvs Kilāist okvt shutik imma mih̄intikma,
vbanumpuli hopoyuksa ah̄li āiasha cha tuk okv̄to pisak-
mvt, nayukpa hi oke. Chukv̄sh mvt nayukpa kv̄t hi-
mona inla toba chiyuhma hi oke. Mih̄intikma, pih̄isak-
mvt, im okchal̄inchi āīah̄li ka fehna hosh im a tikeli
hoka nayukpa hi oke.

Chisvs okvt shohmalali kv̄t hv̄shi yoka ik i shāiyali kia
nayukpvt pesa na pisa hi oke. Yvmohmiknia, hv̄tvk
haksi āi ashvt ilbāiyvsha ch̄i hokano chiyuhma wa. Na-
na ka ilbāiyvsha chohmit ik āiasha cha tuk kia āīah̄li
ch̄into fehna mak o, nayukpa hi oke.

Chitokaka Chisvs Kilāist okvt vba shutik oka kuchvt
m̄intikma, vba-hv̄tvk okvt shakapvt āiokpv̄chikma, vba-
hv̄tvk Kebliel* hochifo hosh Chihowa isht im pufa hoka
olacha hi oke. Mikmvt mih̄intit hoshonti a takali kak o
vlakma, Chisvs okvt ont il āiksiachi cha yvmmak inli
h̄o āuet āiasha hi oke.

* Gabriel.

Yvmohmikma, vba-hvrvk Kebliel ash osh isht pufa yoka chitoli fehna hosh olachikma, yakni momvt winakacha hi oke. Yvmohmikma, hvrvk hknip illi yakni kanima pilla moma hoka āiasha, moma hokvt falamvt okchayvt tobrt tāiyaha hi oke. Hvrvk illi a holupi kanima moma āiasha hokvt tiwa hi oke. Hvrvk illi puta kia okhvta chito yoka it a fimimpa tok okvt, kucha wihia hi oke. Hvrvk moma yakni tōba na hvrvk tobrt āiasha puta hokvt himonna achvfa ivt it ahoba hi oke.

Yakohmit okla momvt ita nowa ka apakna fehna hi oke. Yakni moma hvrvk oklushi puta hokvt āi it ahoba hi oke. Hvrvk nipi tohbi, hvrvk vpi homma, hvrvk lusa puta āiena moma, nitak chashpo pilla kash o i yakni kia talohvt im āiasha tok, moma hokvt āi it ahoba hi oke.

Hvrvk moma kanima moma himaka āiasha moma hokvt āi it ahoba hi oke. Himmak pilla āiasha he, moma hokvt āi it ahoba hi oke. Holisso ilvppa pisa tuk moma; chashpo hvrvk Chahta illi taha tok moma; himaka fehna kia okchaya moma; micha himmakma aasha he moma āiena hokvt, āi it ahoba hi oke. Yakohmit it ahobvt tāiyahakmvt, okla chito fehna hi oke. Apakna kvrt holhtina iksho iti hishi yak o chiyuhma hi oke.

Okla moma Chihowa hoka im antia cha tuk okvt āi it ahoba hi oke. Ubanumpuli puta, nitak chashpo pilla āiashvt illit taha tok vt it ahoba hi oke. Chihowa i pilafit holitopa moma hokvt it ahoba hi oke. Chisvs Kilāist im anumpeshi moma; vbanumpuli pehlichu moma; vbanumpuli hvrvk puta yakni ilvppa āiasha tok moma; micha himmak pilla ma āiasha he moma hokvt it ahoba hi oke. Ilvppa moma hokvt Chitokaka Chisvs Kilāist ak inli hoka chiyuhmi hosh it ahoba hi oke.

Yakni paknak a ilvppa hvrvk haksi āiasha tok moma hokvt falamvt aya hi oke. Ashvchika hvrvk puta it ahoba hi oke. Hvrvk miko haksi in tvshka puta hoka achuk-

malit ik i hollo hosh ilbushali tok moma ; i kana tok nana kia im itolit okla āīasha cha issish hlatahamblit okpuni tok ; micha nana puta kia okpahani tok, moma hokvt it ahoba hi oke. Micha kvpitvni moma tvshka chipota pehliechi tok, moma hokvt it ahoba hi oke.

Hvtvk moma vlla im āīasha kia, i hollot achukmalit nana achukma im vbahanchi tok keyu, moma hokvt it ahoba hi oke. Vlla puta kia iki ishki ita tuklo moma hoka im antivt ik i hollo ki tok, moma kia it ahoba ni oke.

Hvtvk okishko shahli okpulo ; hvtvk holabi, hvtvk hukvpa ; hvtvk mika vbi moma ; hvtvk mika haksichi moma ; hvtvk ilefenvchi moma ; hvtvk mika i nukkilli moma ; hvtvk mika im potvnnno cha tuk moma ; Chihowa im anumpa kia shitilema moma, Chisvs Kilāist oka i yimmi cha tuk keyu moma hokvt it ahoba hi oke. Hv-
tvk haksi ilāiyuka moma hokvt ivt it afama hi oke.

Haknip okvt yvmohmi hosh it ahoba hi oke, achit ik pim anoloshke. Yvmohmi kia peh hofahya fehna hosh it ahoba hi oke.

Hvtvk illi vt yakohmit tanikma, hvtvk yakni paknaka ilvppa okchayvt āīasha tuk moma hokvto, inlv toba hi oke. Hvtvk haksi nipi yokvt āiokpuloka ilbusha onakmvt fokvt bilia he vlhpisa hosh toba hi oke.

Yvmohmikma, vbanumpuli ahli haknip okvto Chisvs ak inli ho chiyuhma hi oke. Vbanumpuli ahli nipi yokvt inlv achukmvt i shalit tobakmvt nana abeka okpulo ililli nana kia, ik a halāīyo ka hi oke. Yakni ilvppa āīasha hokvt nanvha hokvt āīahli im achukma keyu nana tok kia, nana āi im ahli achukma hi oke.

Ilvppa yakohmit vlhtāiyahakma, hvtvk vbanumpuli āīahli hv hvtvk haksi yoka it i filvmma hi oke. Vbanumpuli ahli puta hokvto, vba imma Chitokaka Chisvs Kilāist oka afamvt ilhkola hi oke. Yakohmit vba-num-
puli puta hokvt afamvt vba ilhkoli hoka pisa ka nana

fehna chiyuhma hi oke. Shohmalali kv̄t hv̄shi a chiyuhma hi oke. Nayukpa fehna hosh shakahampa hosh v̄ba pit ilhkoyula hi oke. Yakni oka issv̄t aya hokv̄t falamv̄t v̄la he keyu mak osh pit ilhkoyula hi oke. Yvmohmikma, nitak nana hv̄tvk haksi yoka falamv̄t it afama he keyu mak a hi oke.

Hv̄shi kucha ka imma; micha hv̄shi āi okatulaka imma; micha falv̄m̄mi imma; micha okla mahli imma, moma a minti hosh it ahobv̄t v̄ba pit ilhkoyulikm̄v̄t, Chisvs im isht impaka imma ak q̄ hiohm̄ya hi oke. Yakohmit it ahobakma, nanta fehna hosh yv̄mma chiyuhma he keyushke.

Yakohmit v̄banumpuli ahli puta hokv̄t Chitokaka Chisvs Kilāist oka afama ch̄i hosh v̄bai ya pit ilhkoyulikma, hv̄tvk haksi puta micha shilombish okpulo puta, micha shilombish okpulo pehlich̄i Setin okv̄no, himona nana im apesa ch̄i hosh nana āi apesa ia hoyot hiohlich̄a hi oke.

Ubanumpuli ahli holitopa v̄ba ia hokv̄no ik iba fohko hosh yakni paknaka ak inli kak q̄ āiasha hi oke. Yvmohmikm̄v̄t hv̄tvk haksi bano hokv̄t momv̄t lukoli hosh Chisvs im afv̄beka imma h̄q̄ hiohm̄ya hi oke.

Yvmohmikm̄v̄t hiohm̄ya kia ilbv̄sha fehnakm̄v̄t nipi moma nana kia winakv̄chi bieka hosh noti mak kia iti keselichit komv̄ntv̄t iyi-kalaha moma hokv̄t ita ih̄isokma, nana ha ilbv̄sha moma hokv̄t āi im at̄ampa hosh momv̄t lukola hi oke.

Yvmohmikma, Chisvs okv̄t, hv̄tvk v̄banumpuli ahli im isht impaka imma hiohm̄ya hoka yak im ah̄ancha hi oke. Aki i holitopa hv̄chia hokv̄t ho minti; āiachukmaka yakni ik tobo kisha kash q̄ hv̄chim v̄lhtaha tok mak q̄ hv̄sh iashke. Chisvs okv̄t anumpa ilv̄ppa achukm̄v̄t i holitopa ahli hosh im anumpoh̄nlikma, chukv̄sh moma hokv̄t nayukpa achukma hi oke.

Okla ilv̄ppak osh q̄ yimmi cha ym anumpa hoka q̄

holitobli tok oke; āiahnit ish a hi oke. Yvmohmikma nayukpa bieka hi oke. Yvmohmikmvt shohmalali hokvt hvsh ia chiyuhmikma, hvtyk haksi hokvto kvllakshit hofahyvt lukola hi oke.

Yvmohmikma, Chisvs okvt hvtyk haksi lukoli hoka yak im acha hi oke; misha oh ia cha kvllakshit nitak nana luak a taha iksho Setin micha iakāiya āiena kak o im vlhtaha tok mak o hvsh iashke.

Anumpa ilvppa imakma, ilbvsha fehnakmvt, yayvt komuntvt, noti kia it kiselit āiokpuloka āiahli ont im vlhpiesa mak osh iukola hi oke.

Yakohmiechit anumpa ima mvt Chisvs okvt vbanumpuli im āiahli moma tuk oka, vba-hvtyk puta pehlinchit vta tok moma, it a pehlichit vba pilla āiachukmaka talāia hoka pit ilhkoyula hi oke. Chisvs okvt vbanumpuli moma, micha vba hvtyk it apihvt vba pilla hoka ia hosh asht vt aya na pisakma, nanta hosh yvma chiyuhma he ke keyushke. Tablepa sipokni kanohmi kak kia misha pilla hatuk o, hvtyk nanta fehna hosh hotina hokvt ont tāiyabla he ma keyu ka hi oke.

Chisvs okvt tikba im ayakma, momvt nayukpa taloa bieka hosh iakāiya hi oke. Yakohmit pit ilhkohqnlisma, hvtyk haksi ulbv a asht vt luak chito anyukaka āilbvshvt āiasa chi kvv pisvt lukoli na talohqwt vba pit ilhkoyula hi oke. Yakohmit vbanumpuli okla hokvt yakni ilvppa issvt aya cha, vba pilla tvma hachito hanta achukma yakni puta nana kia ik tobo kisha pilla kash o im vlhtaha tok oka, pit ilhkoyula hi oke. Ubai yoka pit ilhkoyuli cha, tvma hachito a ont āiasa na bilia hi oka ona hosit mayakmvt, nana a isht il āiyukpa he bieka hosh chukvsh oka altoa hi oke.

Ilvppvt tvma hachito holitopa yoke. Tvli holitopa bieka hosh isht a holihtvt apakfoyupa hoke. Okhisa yokvt āuah tuklo hosh hiohmayakma, a chukowa cha tuk oke. Tvma hachito iklvna yok okhina āiokchaya yokvt

bachaya hoke. Yvmohmikma alaka micha tvmaha anuka atia āiena hoka iti āiokchaya yokvt hikia hosh hvshi moma vni hosh hikia hoke.

Tvmaha chito Chiluselim himona ahanchika vbanumpuli okla hokvt onā hosi hosh ayvt pit pisakmvt, chukvsh okvt nayukpa fehna hi oke. Onā hosi fehvvt tahakmā okhisa yokvt momvt chukowa chi hō in tiwa hi oke.

Chisvs okvt tikba aya hosh pehliechit chukwoakmvt, Iki Chihowa a binili hoka ishtonakmvt vllai yoka is svm ihisa chash o ayvt isut vla lishke; im acha hi oke. Yvmohmikma, Iki okvt holitoblit nayukpvt pisakmvt, vm vllai yo mvhlishke; āiahnikmvt, āiasha achukma im atahanli tok okvt im issa hi oke.

Yvmohmikmvt, Chihowa ak oka nishkin-okchi nana kia kvshofvt im akvnia hi oke. Micha ililli nana kia iiksho ka he; micha chukvsh ishit nukhāiyaklo cha, yahaya he kia iksho ka hi oke. Micha nana hotupa kia iksho ka hi oke. Ninak okhlili kia iksho ka hi oke. Yohmi hoka pula kia ik bvnnokmvt, hvshi okvt ik tomi ik āiahno ka hi oke. Chihowa Chitokaka yak osh in tohwikelichi yoke. Yvmohmikma okla hokvt āiashvt bilivt peh bilia hi oke. Ilvppa yakohmi hosh vbanumpuli puta hokvt ant ataha iksho āiasha achukma yoka alotoa hi oke.

Amba Chisvs okvt vbanumpuli im vlla moma hoka pehlichit vba isht ia mak inli hō, yakni ilvppvt lua hi oke. Yvmohmikma, luak chito ilvppak o hvtyk haksi okvt ia cha lvt ilbvshvt bilia cha, peh bilia hi oke. Yakohmit hvtyk haksi oka o kinafa hoka nanta hosh ilvppa chiyuhma wa.

Luak chito yokvt aluhuwakma, shutik atuk vt bilivt aka āuet hlatahampakmvt isht i shalit a lvt iakma, kani-
ma kia pit a malelit ia cha, lumvt okchaya he kia iksho

komomikma, nanta hosh palvmmi kv̄t ilv̄ppa i shala he keyu hoke.

Ubanumpuli vhlila hokv̄to nayukpa hosh taloa achukma bano hosh v̄ba pit ilhkoyuli cha, āiachukma hoka alotoa hokak o, hv̄tv̄k haksi v̄hliha hokv̄to luak chito alo-ta hi oke. Yvmohmikma nipi moma hokv̄t lua hosh bilia cha, peh bilia hi oke. Yvmohmikma Chihowa hokv̄t shilombish oka i nukkillit pisa na bilia hi oke.

Yakohmi hosh biliakma, kanima āilbv̄sha kv̄t ont āi issa he kia iksho komoma hi oke; micha ont issv̄t takohlit ia kia iksho komoma hi oke. Luak chito ilv̄ppa komv̄ntv̄t ilbāiyv̄sha kv̄t v̄ba pit shobohq̄nli na peh bilia hi oke. Ilbv̄sha hokv̄t isunlv̄sh ak īnli kash o peh hopasa chohma hi oke. Mikma isunlv̄sh luai yoka lachili bvn-na hosh oka holuya itula achv̄fa kia sa bvn̄nv̄t sa sikko-pv̄shke; achit yahaya hi oke. Hv̄tv̄k haksi v̄hliha hoka nana okpulo ch̄into hosh o kinafa hi oka nanta hosh yv̄mma iti lāūa wa. Yakohma he chiyuhmi hokv̄t kani-ma oka iikshoshke.

Yakohma hi oka achukma haklot eho tāiyahli hoka, haknip v̄t illikma shilombish okv̄t aw̄ant illi keyushke. Hv̄tv̄k haknip okv̄t illit kv̄niakma, i filv̄mmit iakmv̄t, āiachukmaka hokma, āiokpulokaka hokma, kanim̄mpo kak o ia hoke. Shilombish okv̄t yakohmit filv̄mmikmv̄t āīanta cha tuk ak īnli ka ik āi ah̄anto hosh kanima pilla yakni īnla h̄o ia hoke. Chahta okla hokv̄t kanima ik āiyo hikia hosh in chuka tok ak īnli kak o ah̄anta hoke. Ik āiahni kia yvmohmi keyu hoke.

Ubanumpuli yosh illi hokma, Chisv̄s okv̄t v̄ba hv̄tv̄k oka atohnochikma, shilombish a afamv̄t v̄ba āiachukma-ka yoka ishtona hoke. Yvmohmikma, shilombish okv̄t āīahli mak o holitopa hi oke. Mikmv̄t v̄bai yoka moma āīahli im āiachukma hosh ah̄anta tuk ma, nitak ishtāio-pik fehna haknip okv̄t yakni an̄ka ituyula tok kia tanit kuchakma, shilombish okv̄t falamv̄t chukowa hi oke.

Yakohmit haknip vt shilombish oka it i falama cha iti fohkakmvt, vba yoka iakmvt, im āiachukma bieka na bilia hi oke.

Hvtvk haksi yosh illikma, shilombish a Setin okvt hoklit ishi cha, hohtak chito hituk lakna isht a lua hokvt wimilihinchi kak o pit itvcha hi oke. Yvmohmikmvt Setin micha hvtvk haksi i shilombish moma hoka iba foyukvt ahanta na nitak ont ishtāiyopikma, haknip okvt yakni anukaka yoka ituyula cha tuk vt tanit kuchakma, falamvt iti fohka hi oke. Yvmohmikma shilombish okvt haknip oka, iti fokvt luak chito yoka ia hi oke.

Yakohma he bieka hoka ish hāiyakloshke. Holisso ilvppa ish im anumpohonlikmvt, chi nukfoyukvshke. Chilli mak inli hq, chi shilombish okvt shilombish i yakni oka ia hi oke. Yakohma he moma hoka ish hāiyakloshke. Nana okpulo bieka kak o anukfielit itukhlakavt ish āiasha cha tuk okvt ish issa cha, Chisvs oka chik i yimmokmvt chillikma, chi shilombish okvt āiokpuloka pulla kak o ia hi oke.

Chim ilhfiopa hokvt tupa mak inli hq, chi shilombish vt luak chito wimilihinchi hoka pit ituyula hi oke. Himak nitak fehna hoka chillikmvt, himak nitak fehna ak inli hoka, chi shilombish okvt āiokpuloka yvma ona hinla hoke. Okhlilikma, ituyulvt chi nusa chi hokmvt, ik chi okcho kisha hosh chilla he kia āiasha hoka chi nukfoyuka pullashke; chi shilombish okvt katimak o ia he keyushke. Luak chito pulla ak o pit it vtulvt kvnia hinla hoke. Onnahinli kia ish tanikmvt chi nukfoyakashke. Ik okhlilo kisha hq, illit chi kvniakma, chi shilombish okvt luak chito hohtak wimilihinchi kak o pit it vtulvt chi kvnia hinla hoke.

Yakohma he nana kia ish āiashvshke; nanta katiohmi kak o tushpvt Chisvs oka i yimmit chik im antio cho? Himak okvno tushpvt chi yimmi pulla cha, chi okchayashke.

Yakohma he moma hoka e hāiyakloshke; amiha ont atukla hoka vbanumpuli aḡli, micha hvrvk haksi ita tuklo hokvt illikmvt, im āi inla bika hi oka il im ithāiyanvshke. Ubanumpuli hokvt okchaya moma hokvt nana yihimmi hokvt chukvsh anukaka nana isht il āi yukpa hokvt āiasha hoke. Nana isht ilāiyukpa yakohmi hoka vbanumpuli keyu hokvt akostininha he keyu hoke. Chukvsh anukaka nayukpa achukmvt ik i takali kia, yakni ilvppa nana okpulo a kaniohmi chohmi moma kia alotoa hoka nitak kaniohmikma okhlili ahobvt i takalikma, nukhaklo hokvt im it iba foyuka ak inli hoke. Nahotupa puta, nana abeka illichi nana kia im āiasha ak inli hoke. Yvmohmi kia illikma, nana nukhaklo cha tuk moma kia im a kvnia hi oke. Im ishilombish okvt vba āiachukmaka yoka iakma, Chihowa hokvt holitoblit i holla hi oke. Yvmohmikma, nana nukhaklo cha tuk kia vba nitak achukmai ya ahauchi hoka i kvnia amoma hi oke. Ubanumpuli okla hokvto yakohmit nanuha kvv im ataha achukma cha illikmvt nayukpa hi oke.

Amba hvrvk haksi okla hokvto yvmohmi keyushke. Yakni ilvppak oka okchayvt aḡsha bieka hosh im achukma hosh āiashvshke. Haksit anumpa hanta ak kia ik āiyukpacho hosh naksika bieka hō itanohowa kia, Chihowa hokvt i nukhaklot pisakmak o isht a fekoymit ilefenāiyachit āiashvshke.

Yvmohmi tok kia, nana im achukmvt ita nohowa tok kia illi mak inli hosh im āivhla hi oke. Peh komuntvt ilbvsha bieka cha peh bilia he bano hō himona chukowa hi oke. Nayukpvt āiasha cha tuk kia nitak nana pisa he keyu ka hi oke. Im ishilombish okvt luak chito hohtak wimilibinchi ka hvrvk ilbvsha yaya bieka cha, noti iti kiselī bieka hosh āiasha kak o, pit itvtulvt kvnia hi oke. Yvmmak oka tohwikeli kia iksho komo-

mikma, okhilit katak a hosh bilia na peh komunta hok vt isunlvsh kia kopoli chohma hi oke.

Nana eho hāiyaklo hoka amiha ont isht atuchina mvt takalishke. Okla moma hokvt Chisvs oka ik i yimmo ke tukmvt, ilbvsha fehna na bilia hi oke. Āīashvchika bieka hona haksit ita nohwa cha tuk okvt ik nukhaklo cha ik issokmvt, ilbvsha fehna hi oke. Holabit anum-pohonli, micha hvtk mika ak kia haksiechi cha, Chihowa im anumpa hoka im antia cha, vba pit anumpohonli keyu moma; oka homi kia ishkot haksi hvtk bika kia itibit ahanta cha tuk moma, micha hvtk kia vbi moma; hāūi tobv̄t ita nowa moma; nana āiokpuloka moma kia a im antīvt tasimbot ita nowa cha tuk moma; vbanumpa kia i yimmi iksho; ilap̄unlv̄t ita nowa cha tuk moma; yakni moma Chihowa im anumpa holitopa yoka ik im antio cha tuk moma; micha hvtk Chahta hochief̄o; moma hokvt Chisvs oka ik i yimmokmvt momvt ilbāiyvsha he mak oke.

Holisso ilvppa ish pih̄sa kia, Chisvs oka chik i yimmokmvt chilbāiyvsha he mak oke. Chisvs oka i yimmi keyu hokvt vba āīachukma yoka ia keyu hoke. Yvmohma hi oke, chīm ah̄anchi lishke. Holisso ilvppa ish pih̄sa moma; kv̄na kia im anumpohonli na ish hāiyaklo hokvt chekosi ish ilekostin̄inchi cha āīashvchi bieka chohmi kak q̄ ish ita nowa cha tuk okvt ish issai cha Chisvs oka ish i yimmi puyullashke.


Amiha ont isht ushta kia e hāiyakloshke. Yvmohmi hoka pishno fehna moma kia yakni an̄uka a kuchvt wihvt tanit Chitokaka Chisvs Kilāist oka itikba fehna eho hiohla hi oke.


Holisso ilvppak fehna hoka pisa tok moma; micha im anumpuli na haklo tok, moma hokvt illi cha yakni an̄uka holopi tok, moma hokvt kucha wiha hi oke. Yvmohmikmvt Chitokaka Chisvs Kilāist okvt vba-hv̄tk moma hoka pehlichit shutik imma yoka mih̄intikma, ish


pihisa hi oke. Hv̄tvk illi puta hokvt wakaya chī hoka, isht pufa chito yokvt oh̄n̄lakma, chi haksobish fehna ak inli hosh hakla hi oke. Yvmohmikmvt luak chito yokvt yakni moma hoka luakma, shutik okvt bilvt aka mih̄n̄tikma, chi nishkin fehna ak inli hokvt pisa hi oke. Chishno fehna ak inli hokvt nana āi vlhpisa Chisvs itikba fehna yō ish hikia hi oke. Chi yvmohma hi okvt ch̄ukv̄sh himona chik ahauchō hosh chillikma, misha oh ia cha, kv̄llakshit luak chito ataba iksho Setin, micha im atia moma ak o vlhtāiyaha tok oka, ish iashke, ch̄im acha hi oke. Mikma luak chito hohtak wimilih̄n̄chi kak o ish ia cha chilbasha na bilia hi oke. Af̄ymmi tahlepa sipokni ach̄vfa misha pilla antvt chi āilbv̄sha hi a ont ataha ahoba kia iksho komomi hosh peh himona isht ia cholma hi oke.

Chisvs okvt nitak ishtāiyopi vlakma, afamvt itikba fehna ont ish hikiakma ch̄im anumpohonli la hi oka chi nukfoyukashke. Ish ituyula cha chi nusa chikmvt ish anukfillashke. Onnah̄nli ish tanikmvt ish anukfillashke. Kanima pilla kia ish ayakmvt ish anukfillashke.

12-2-7







Ayer
OPM
871
W54
1835

AYER

Checker

48

